

Sarajevo, 28-01-2021
Broj: 01-11-3-4852

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, Pravilnika o javnim nabavkama Kliničkog centra Univerziteta u Sarajevu, na prijedlog Komisije za javne nabavke (br. Izvještaja Komsije 10-33-4-4572 od 27.01.2021 godine), Generalna direktorica donosi:

IZMJENA I DOPUNA ODLUKE

o rezultatima okončanog postupka javne nabavke, putem otvorenog postupka, a koji se odnosi na javnu nabavku „Lijekovi I /16/2020 iz različitih grupa po ATC klasifikaciji za potrebe svih klinika KCUS-a“ u odnosu na LOT 16

I

Prihvata se preporuka Komisije za javnu nabavku i postupak nabavke za „Lijekovi I /16/2020 iz različitih grupa po ATC klasifikaciji za potrebe svih klinika KCUS-a“ u odnosu na LOT 16 će se poništiti u skladu sa članom 69. Stav 2. tačka e. Zakona o javnim nabavkama.

II

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav 2. Zakona o javnim nabavkama.

O B R A Z L O Ž E N J E

Klinički centar Univerziteta u Sarajevu je na portalu Agencije za javne nabavke, e-nabavke, objavio obavještenje o nabavci broj 893-1-1-709/20 objavljeno na portalu E-nabavke 15.10.2020. godine.

Dopis ponuđača MGM FARM d.o.o. Kakanj protokolisan pod brojem 10-11-3-3395 od dana 20.01.2021. godine, a kojim navedeni ponuđač obavještava Ugovorni organ/KCUS da odustaje od LOT- 16 - Povidon jod rastvor za kožu 7,5g /100ml 1000ml, zbog greške u jediničnoj cijeni.

Nakon razmatranja dopisa ponuđača MGM FARM d.o.o. Kakanj broja i datuma gornjeg, Komisija je na zatvorenom sastanku održanom dana 21.01.2021. godine, izvršila uvid u dokumentaciju koje su u predmetnom postupku nabavke odnosi na LOT 16, te je konstatovala da su na LOT-u 16 shodno izvještaju o toku i završetku e-aukcije učestvovala dva ponuđača i to: MGM FARM d.o.o. Kakanj i ZEFARM d.o.o. Zenica, da je Odlukom o rezultatima okončanog postupka javne nabavke broj 01-11-3-340 od 05.01.2021.godine, kao najpovoljniji punuđač odabran MGM FARM d.o.o. Kakanj.


Imajući u vidu da je ponuđač MGM FARM d.o.o. Kakanj dopisom od 06.01.2021. god. (KCUS br. 10-11-3-3395 od 20.01.2021. g.) obavijestio KCUS da odustaje od LOT-a 16, da je ponuda drugorangiranog ponuđača ZEFARM d.o.o. Zenica, kao jedinog preostalog učesnika na završenoj E-aukciji na LOT-u 16 u predmetnoj nabavci, shodno članu 69.stav 2, tačka e) Zakona o javnim

Ustavni sud

nabavkama, okarakterisana kao neprihvatljiva, jer ponuđena cijena ponuđača ZEFARM d.o.o. Zenica za LOT 16 veća je u odnosu na planiranu procijenjenu vrijednost objavljenu na portalu E-nabavke,

Komisija predlaže da se postupak nabavke „Lijekovi I/16/2020 iz različitih grupa po ATC klasifikaciji za potrebe svih klinika KCUS-a“, za LOT 16- Povidon jod rastvor za kožu 7,5g /100ml 1000ml, poništi u skladu sa članom 69. stav 2. tačka e) Zakona o javnim nabavkama („Službeni glasnik BiH“, broj 39/14).

Na preporuku Komisije imenovane za predmetni postupak javne nabavke donijeta je Odluka kao u dispozitivu.



GENERALNA DIREKTORICA

Prof.dr. Sebija Izetbegović

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.